

Pa: Komitê di skolas di Boston
Di: Mary Skipper, superintendente
Data: 18 di dizenbru di 2024
Subject: Atualizason di admison na skolas ku izami di entrada i rekomendason di pulítikas

Oji noti nu sta konpartilha alguns dados relasionadu ku rezultadus di mudansa di pulítika di admison di skolas ku izami di entrada i nu ta aprizenta un rekomendason pa nhos konsidera.

Kes pulítikkas utilizadu na últimus sinku anus sta aprizentadu na kel siginti kuadru:

Anu di admison	Pulítika
Anu letivu 2020-21	Klasifikason na nível di sidadi (ISEE + notas)
Anu letivu 2021-22	20% na sidadi interu + 80% pa kódigu postal (sô notas)
Anu letivu 2022-23	Nível + pontus (10/15) adisional (sô notas)
Anu letivu 2023-24	Nível + pontus (10/15) adisional (notas + MAP)
Anu letivu 2024-25	Nível + pontus (determinadu pa nível/15) adisional (notas + MAP)

Na janeru di 2024, Komitê di skola aprova un alterason pa pulítika di admison pa skolas ku izami di entrada pa stabelesi un diferença na número di pontus adisionais atribuídu pa alguns alunos, dipendendu di skola ki es frekuenta na anu letivo anterior, ku bazi na ses níveis sosioekonómiku. Intenson di alterason di pulítika era rezolve fatu di ki alguns alunos ki ka resebi pontus adisionais ka podia resebe un konviti pa primeru skola ki es skodji, pamodi nota mínimu konpostu pa resebe un konviti era más altu ki 100 ([aprizentason](#) i [memorando di dizenbru di 2023](#)). Ku implimentason di es alterason na siklu di admison di anu letivo 2024-25, ninhun alunu mesteba di un nota mínimu konpostu más altu ki 100 pa resebi un konviti pa un skola ku izami di entrada.

Nu obi fla ki kálkulu di nível sosioekonómiku kria un forti tension entri vizinhos. Ten kazus raru undi alunos di un família di un ladu di rua ten un probabilidadi signifikaivamente más baxu di resebe un konviti di ki un alunu di un família semelhanti di otu ladu di rua, mesmu ki se dizenpenhu akadémiku i se stóriu eskolar é konparável.

Nu djobi ekilibra ku kuidadu nos dizeju di responde observasons ki nu resebi di menbrus di komunidad di nos responsabilidadi di aji ku kautela, ku bazi na dados, na midida ki nu ta realiza un análizi más aprofundadu di inpaktu di alterasons di pulítikas. Na midida ki nu sta avansa pa kintu anu di implimentason, nu ten di garanti ki kalker alterasons adisionais pa

pulítika sta diakordu ku prinsipinu di alterason di pulítika di 2021 i, vistu ki nu sta na meu di siklu di kandidaturas pa admisons pa anu letivu 2025-26, es debe ten un ânbitu mudestu.

Ku kel li na menti, **N sta rekomenda un mudansa pa pulítika di admison ku reduson di 8 niveis pa 4.** Es mudansas ta sinplifika pulítika, ta reduzi mudansas dividu un pikenu variabilidad di dados di 'American Community Survey' i ta diminui dizigualdadi di asesu entri estudiantes di zonas jeografikamenti similar. Sta más informasons sobri metudulujia di kálkulu di níveis sosioekunómikus [li](#).

Es noti, nu ta aprizenta rekomendason di pulítika pa ser konsideradu i nu ta pidi Komitê pa vota na rekomendason di pulítika na un di ses runion na janeru di 2025.